

四庫全書

子部

欽定四庫全書

子部
職官分紀卷二十二

詳校官中書臣沈鳳輝

侍讀臣孫球覆勘

總校官編修臣王燕緒

校對官編修臣盧遜

謄錄監生臣王路

欽定四庫全書

職官分紀卷二十一

宋 孫逢吉 撰

國子監

晉職官志晉武帝初立國子學定置國子祭酒博士各一人助教十五人以教生徒孝武太元十一年減助教員為十人

南齊百官志太始元年以國學廢初置總明觀立儒文

史四科科置學士各十人正令史一人書令史二人幹
一人門吏一人典觀史二人建元中掌治五禮永明三
年國學建省

隋百官志梁國子學生限以貴賤帝欲招來後進五館
生皆引寒門偶才不限人數後齊國子寺掌訓教胄子

祭酒一人亦置功曹五官主簿錄事等員隋國子寺

元錄

太常祭酒一人屬官有主簿錄事各一人統國子太學四門

書算各置博士

國子太學四門各五人書算各二人助教國子太學四門各五人書算各

二學生

國子百四十人太學四門各三百六十人書院四十人算八十人

等員開皇十三

年罷隸太常又改寺為學仁壽元年罷國子學唯立太學一所煬帝改國子學為國子監依舊置祭酒加置司業一人從四品丞三人加為從六品并置主簿錄事各一人國子學置博士

唐職官志貞觀元年改國子學為國子監龍朔二年改國子監為司成館咸亨元年復舊垂拱元年改國子監為成均監神龍復舊

唐百官志國子監祭酒一人從三品司業二人從四品
下掌儒學訓導之政總國子太學廣文四門律書算凡
七學天子視學皇太子齒胄則講義釋奠執經論議奏
請京文武七品以上觀禮凡授經以周易尚書周禮儀
禮禮記毛詩春秋左氏傳公羊傳穀梁傳各為一經兼
孝經論語老子歲終考學官訓導多少為殿最丞一人
從六品下掌判監事每歲七學生業成與司業祭酒蒞
試登第者上於禮部

主簿一人從七品下掌印勾督監事七學生不率教者

舉而免之錄事一人從九品下

武德初以國子監曰國子學隸太常寺貞觀二

年復曰監龍朔二年改國子監曰司成館祭酒曰大司成司業曰少司成咸亨元年復曰監垂拱元年改國子監曰成均監有府七人史十三人亭長六人掌固八人

國朝國子監掌國子太學武學算學五學之政凡訓導之事

更修饗宇

後漢安帝簿於藝文博士倚席不講學舍頽敝鞠為園蔬牧兒芻豎至於新川順帝感翟

醜之言更

畫三禮圖

國朝至道二年遣畫工二人赴國子監畫三禮圖於壁待詔一人督

修畫宇

其繪像

三年國子監言畫三禮圖詔文宣王十哲七十二賢像宜繪飾

建閣藏書

大中

祥符五年就文宣王殿建藏書閣藏太宗御書
及以皇帝御製祥瑞諭勤政論俗吏辨刻石

祭酒

前漢王莽置六經祭酒每經各一人蘇竟以明易為博
士講書祭酒

後漢百官志博士祭酒一人六百石本僕射中興轉為

祭酒

胡廣曰凡官名祭酒皆位之元長者也古禮賓客
得主人饌則老者一人舉酒以祭於地舊說以為

示有
先

漢百官表注博士祭酒一人掌國子學皇朝服進賢兩

梁冠佩水蒼玉

續漢書百官表建武初置五經博士太常差以有聰明
威重者一人為祭酒總領綱紀

韋昭辨釋名祭酒者謂祭六神以酒酌之也辨云凡會
同饗醢必尊長先用酒以祭先故曰祭酒漢時吳王年
長以為劉氏祭酒是也

應劭漢官儀禮飲酒必祭先示有先也故稱祭酒飲酒
時唯尊長以酒沃酌也

晉職官志武帝初立國子學定置國子祭酒永嘉中又置儒林祭酒以杜夷為之

宋百官志祭酒晉官也漢吳王濞為劉氏祭酒大祭祀以酒為本尊者主之故以祭酒為稱漢之侍中魏之散騎常侍高功者並為祭酒用其義公府有祭酒蓋因其名也

沈約宋書博士秦官也掌通古今員多至數十人有僕射光武增為十五人蓋一經有數家之學故也皆教弟

子光武改僕射為祭酒祭酒者一位之尤長也

南齊百官志國子祭酒一人建元四年有司奏置國子

學祭酒准諸曹尚書總明觀祭酒一人

隋百官志梁國學有祭酒一人陳國子祭酒

中二石

後齊

國子寺祭酒一人隋國子祭酒一人仁壽元年省煬帝

國子監復置

唐職官志龍朔二年改國子祭酒為大司成咸亨二年

復舊國子監祭酒一員

從二品

掌邦國儒學訓導之政令

有六學

國子太學四門律書算

凡春秋二分之月上丁釋奠於孔

宣父祭以太牢樂用登歌軒懸祭酒為初獻司業為亞

獻博士為終獻凡教授之經以周易尚書周禮儀禮禮

記春秋左氏傳公羊傳穀梁各為一經孝經論語兼習

之每歲終考其學官訓導分業之多少為之殿最

六典國子監祭酒一人從三品

周禮師氏以三德三行教國子凡國之貴遊子

弟學焉又保氏養國子以道教之六藝晉令曰祭酒博士當為訓範總統學中眾事傳暢諸公讚云裴頠為國子祭酒奏立國子太學起講堂築門闕刻石寫五經梁置國子祭酒一人班第十三比列曹尚書陳國子祭酒

秩中二千石品第三後魏初品第四上太和二十二年
增為從第三品北齊改國子祭酒一人從三品後周關
光宅元年改成均監
祭酒神龍元年復舊

五代職官志後唐同光元年置一員

國朝元祐官品令國子祭酒從四品

三為祭酒

史記荀卿年五十始來遊學於齊襄王時荀卿最為老師齊尚修列大夫之缺而荀卿三

為祭酒焉明習故事

前漢張安世薦蘇武明習故事奉使不辱命宣帝以武著節名臣令朝朔望號

稱祭酒甚優寵之年

師友蜀志先主既定益州廣漢太守夏侯慕請秦宓為師友祭

皇太子執經問義

晉中興書杜夷以儒學稱中宗以為丞相祭酒中興初皇太子凡三

至夷舍執

上疏求備學徒

晉書袁環為國子祭酒時喪亂之後禮教凌遲環上疏云

若得給其宅地備其學徒帝從之國學之典自環始也

令司徒辭祭酒以授張緒

齊書司徒竟陵王子良領國子祭酒武帝敕王晏曰吾欲令司徒辭祭酒以授張緒物議以為云何子良竟不

拜以緒

舉自代以為榮

吳均齊春秋謝曇濟字彥均王備為國子祭酒講孝經未

畢舉曇濟自代

朱服

南齊何胤為國子祭酒與太子中庶子王瑩並為侍中時胤單作祭

酒疑所服陸澄博古多該亦不能據遂以玄服臨試爾後羣議乃用朱服祭酒朱服自此始也

三世為

國學師

梁書王承好儒業轉國子祭酒承祖儉父陳皆為此職三世為國學師前代未有當時以為

榮恃貴縱辯

陳書太建中國子祭酒徐孝克開講恃貴縱辯眾莫敢當陸德明始弱冠往參焉便

與抗對合
朝賈歎

輕薄祭酒

齊春秋孔廣字淹源美容止善吐納王儉張緒成美之儉常云廣來

便使我薄止不須來則莫聽去緒數巾

車詣之歎嗟曰孔廣使吾成輕薄祭酒

庫均義重師資

道尊

王融為王儉讓國子祭酒表曰竊以庫均義重振古所從師資道尊由來攸尚匪曰蘭茝疇變入室

之情不自朱藍

何遼素絲之質率百僚親臨講論

崔鴻十六國春秋前秦錄建元七年高平

蘇通長樂劉祥並以研學者儒尤精二禮以通為禮記祭酒居於東庠祥為儀禮祭酒處於南序每月朔旦率

百僚親臨

講論也 儒宗學府

後周書盧誕本名恭祖拜給事黃門侍郎魏帝曰經師易求人師難

得朕諸兒轉長欲命卿為師於是誕儒宗學府乃敕自今晉王以下皆拜之於帝前因賜名誕為當世所推

乃拜國經師易求人師難得上

論難鋒起不能屈

隋書楊汪

字元度為國子祭酒帝令百僚就學與汪講論天下道
儒碩學多萃焉論難鋒起皆不能屈帝令御史書其問

荅奏之省而大悅賜良馬一匹敷陳義理兼之諷諫元善賜爵江陽縣公後遭國子祭酒

上常親臨釋奠命善講孝經於是敷陳義理學行可師

唐賀德仁少與從兄德基俱為國子祭酒周弘正咸以
詞學見稱時人語曰學行可師賀德基文質彬彬賀德

仁文質彬彬上卿今日從朕求官許後徹常侍太宗講後為睦州刺史因入

朝乞骸骨太宗召問曰朕與卿刺史資以自養何為致
仕後徹曰年老筋力不逮望在私第時見闕廷太宗曰

卿氣力猶強欲何官也後徹陳謝不敢太宗曰朕昔從
卿讀書今日從朕求官但有所欲不相違也時國子祭

酒缺乃言請琢去碑額偽號馮審為國子祭酒國子監有孔子碑睿宗篆額加大

之因授馬請琢去碑額偽號

周兩字蓋武后時刻審請琢去偽號復大唐二字從之

上疏論南海進蚶菜

孔幾字君嚴元

和年改國子祭酒嶺南節度使崔詠卒三軍諸帥宰相奏擬皆不稱旨因入對上謂裴度嘗有上疏論南海進蚶菜者詞甚忠正此人何在御求之度退訪之或曰祭酒孔幾嘗論此事度微疏進之即日授嶺南節度使

判祥瑞案三道

則天稱制以權臨下不愜官爵取悅當時其國子祭酒多授諸王駙馬都尉唯

貞觀故事祭酒孔穎達等赴上日皆講五經題至是諸王與駙馬都尉赴上唯判祥瑞案三道而已至於博士助教雖有學官之名祝欽明為國子祭酒景龍三年多非儒雅之寶腐儒中宗將親祀南郊欽明與郭山

暉希音奏言皇后亦合助祭景雲初侍御史倪若水劾奏曰欽明等本自腐儒素無操行崇班列爵實為叨忝而涓塵莫効詔佞為能遂使曲臺之禮園丘之制百王故事一朝墜失所謂亂常改作希旨病君人之不才遂

至於此臣等並從黜放以肅周隨問酬志舌無留語趙弘

行於是欽明左授饒州刺史

智永微中為陳三師講孝經百福殿諸儒更詰辨隨問酬悉舌無留語高宗喜曰試為我陳經之要以補不逮

對曰天子有爭臣七人雖無道不失其天下官不擇才

願以此獻帝悅賜絹三百疋終國子祭酒

桓彥範為侍中俄墨敕以方士葉靜能為國子祭酒彥範執不可帝曰要已用之不可止彥範曰陛下始復位

制詔軍國皆用故事貞觀時以魏徵虞世南顏師古為監以孔穎達為祭酒如靜能方伎猥下安足繼蹤前列

臣恐物議謂陛下官不擇才以宰相領祭酒鄭覃見同中才以天秩加私愛不從

事輸光學錢劉允章為國子祭酒建言羣臣輸光學錢治庠序宰相五萬節度四萬刺史一萬詔

可願兼領侍郎國朝孔維見司業門

司業

隋百官志煬帝大業三年國子監初置司業一人從四品

唐職官志龍朔二年改為少司成咸亨元年復舊垂拱元年增置一員所掌同祭酒

六典司業二人從四品下

禮記曰樂正司業父師
司成秦漢以來無聞

五代職官志後唐同光二年置一員

國朝元祐官品今國子司業正六品

改國學及官名

歸崇敬授國子司業時皇太子欲於國學行齒胄之禮崇敬以國學及官名不

稱上言司業義在禮記樂正司業正長也言樂官之長
司主此業爾雅云大板曰業按詩周頌設業設簋崇牙
樹羽則業乃懸鐘磬之簋簠也今太學既不敬老於義
則無所取請改國子監為辟雍請改祭酒為太師氏請
改司業一為左師一為右師詔下尚書集百僚定議以
聞議者以為省者禁也非外司所宜名周禮代掌其職
者曰氏其學非代官不宜曰氏其餘大
抵以習俗既久重難之非其事不行 請誦古詩兩篇
郭山惲景龍中累遷國子司業時中宗數引近臣及修
文學士與之宴集嘗令各効伎藝以為笑樂張錫為談
容娘舞宗晉御舞渾脫張洽舞黃摩杜元談為婆羅門
呪索行言唱車駕西河盧藏用効道士上章山惲獨奏
曰臣无所解請誦古詩兩篇於是誦鹿鳴蟋蟀之詩刊
奏未畢李嶠以其有好樂無荒之語恐忤旨遽止之刊

定儀注

韋叔夏遷成均司業久視元年時下制曰吉也禮儀周家所重司禮博士未甚詳明成均司業

韋叔夏祝欽明等博涉禮經委以參掌冀弘典式自以自今所修禮儀注委叔夏等刊定訖然後奏聞

通經求為司業

國朝淳化元年以國子祭酒孔維兼工部侍郎從其請也維開寶中任開封東

明簿為上即位以舊吏累遷至主客員外郎自以通經求為司業即以授之雍熙初使高麗先是奉使外國例借服紫復命即服舊服會高麗使至維自恥衣緋因求見上詭言高麗使者問臣獲何罪降服臣無以對因泣上憐之即賜金紫至是擢拜祭酒又上言祭酒官久廢少知者故親書尺與臣多以祭酒郎中呼焉又引五代時田敏任祭酒兼侍郎願兼領是官上從之

丞

隋百官志隋大業三年國子監置丞三人加為從六品
唐六典丞一人從六品下掌監事凡六學生每歲有業
成上於監者以其業與司業祭酒試之明經帖經口試
策經義進士帖一中經試雜文策時務徵事其明法明
書算亦各試所習業登第者白祭酒上於尚書禮部
國朝元祐官品令國子監丞正八品

國子博士

太學博士

五經博士

四門博士

前漢百官表博士秦官也掌通古今秩比六百石員多

至數十人武帝建元五年初置五經博士宣帝黃龍元年稍增員十二人

後漢百官志博士十四人比六百石本注曰易四施孟梁丘京氏尚書三歐陽大小夏侯氏詩三魯齊韓氏禮二大小戴氏春秋二公羊嚴顏氏掌教弟子國有疑事掌承問對本四百石宣帝增秩

漢舊儀武帝初置博士取學通行修博識多藝曉古文爾雅能屬文章為高第朝賀位次中都官師稱先生弟

子稱門人又曰孝文時博士七十餘人朝服玄端章甫冠

應劭漢官儀博士秦官也博者博通古今士者辨於然否

魏文帝黃初五年太學置五經課試之法置春秋穀梁博士明帝太和二年詔曰尊儒貴學五教之本也自頃儒官或非其人將何以宣明聖道其高選博士才任侍中常侍者敕郡國貢士以經學為先

吳志詔曰古者建國教學為先所以道世治性為時養
器也自建興以來時事多故吏民頗以目前趨務去本
就末不循古道夫所尚不淳則傷化敗俗其按古置學
官立五經博士核取應選加其寵祿科見吏之中及將
吏子弟有志好學者各令就業一歲課試差其品第加以
位賞使見之者樂其榮聞之者美其譽以敷王化以隆
風俗

後魏書劉芳表云太和二十年立四門博士於四門置

學按禮記云天子設四學鄭玄注云四學謂周四郊之虞庠也今以其遼遠故置四門請移與太學同處從之摠知學士至是太學博士降為從六品

晉職官志晉初承魏制置博士十五人以教生徒博士皆取履行清淳通明典義者若散騎常侍中書侍郎太子中庶子以上乃得召試及江左初減為九人元帝末增儀禮春秋公羊博士各一人後又增為十六人不復分掌五經而謂之太學博士也

南齊百官志國子博士二人建元四年有司奏置博士
准中書郎助教准南臺御史

隋百官志梁國學有博士二人助教十人太學博士八
人又有限外博士員天監四年置五經博士各一人大
同七年國子祭酒劉溉等又表立正言博士一人位視
國子博士置助教二人陳國子博士十石五經太學博
士六百石

後齊國子寺領博士五人助教十人學生七十二人太

學博士十人助教二十人太學生二百人四門博士二十人助教二十人學生三百人隋國子寺統國子太學四門書算學各置博士仁壽元年罷國子學立太學置博士五人從五品煬帝國子學置博士正四品助教從七品員各一學生無常員太學博士助教各二人學生五百人先是仁壽元年置國子博士五員為從五品

唐職官志龍朔二年改博士為宣業咸亨元年復舊

唐百官志國子學博士五人正五品上掌教三品以上

及國公子孫從二品以上曾孫為生者

六典國子博士三人正五品上

司馬彪百官志云博士十四人魏以太常統博

士祭酒晉初置博士十九人咸亨四年立國子學置國子博士一人晉官品第六介贖兩梁冠服佩同祭酒宋齊無所改作梁置國子博士二人為九班陳品第四秩千石後魏初國子博士從第五品上太和二十二年增為第五品北齊置國子寺有博士五人品第五隋初國子學太常置博士五人太業三年置國子監博士一人正五品皇朝增置二人龍朔二年改博士曰宣業

掌教文武官三品以上及國

公子孫從二品以上曾孫之為生者五分其經以為之業習周禮儀禮禮記毛詩春秋左氏傳每經各六十人

餘經亦兼習之習孝經論語限一年業成尚書春秋公羊穀梁各一年半周易毛詩周禮儀禮各二年禮記左氏春秋各三年其生初入置東帛一筐酒一壺脩一案號為束脩之禮其習經有暇者命習隸書并國語說文字林三蒼爾雅每旬前一日則試其所習業每歲其生有能通兩經以上求出仕者則上於監堪秀才進士者亦如之

太學博士三人正六品上

東晉元帝增置國子博士十人
六人謂之太學博士品服同

國子博士梁置太學博士八人班第二陳品第八秩六百石後魏初置第六品中太和二十二年從七品北齊國子寺有太學博士十人從第七品周置太學博士下大夫六人班第四隋初置太學博士五人仁壽元年罷國子惟立太學置博士五人從五品大業三年減置二人降為從六品皇朝增置三人 掌教文武

官五品以上及郡縣公子孫從三品魯孫之為生者五分其經以為之業每經各百人其束脩之禮督課試舉

如國子博士之法四門博士三人正七品上

後魏書劉芳表云太

和二十年立四門博士於四門置學按禮記云天子設四學鄭玄注周四郊之虞庠也今以其遠遠故置於四門請移與太學同處從之後魏百官志四門博士第九品北齊置二十人正九品上後周闕隋置五人從八品

上皇朝減置三人加正七品上掌教文武官七品以上及侯伯子男子

之為生者若庶人子為俊士生者禮記王制曰命鄉論秀士升之司徒曰選

士司徒論選士之秀者而升之學曰俊士隋志舊時國子生限以貴賤梁武帝欲招來後進五館生皆引寒門

俊才不限人數即今之俊士也分經同太學其東脩之禮督課試舉如

國子博士之法

五經博士各二人正五品上掌以其經之學教國子周

易尚書毛詩左氏春秋禮記為五經論語孝經爾雅不

立學官附中經而已舊無五經學科自貞元五年二月敕特置三禮開元禮科長慶二年

二月始置三傳三史
科復又置五經博士

五代職官志後唐同光元年博士只置兩員

國朝元祐官品令國子博士正八品太學武學律學博

士從八品

錄寃獄行風俗

前漢成帝初即位孔光為博士數使錄寃獄行風俗賑贖流民奉使稱旨由是

知名以高儒林之官

成帝時關東大水遣諫議大夫博第為尚書士分行視奉使不稱詔曰古之立

太學將以傳先王之業流化於天下也儒林之官四海
淵源宜皆明於古今溫故知新通達國體故謂之博士
否則學者無述焉為下所輕非所以尊道德也丞相御
史其與中二千石二千石舉可充博士位者使卓然可

觀年二十餘最為少

賈誼文帝召為博士時年二十餘最為少每詔令議下諸老先生不

能言誼盡為之對人人各如其意所出諸生於下帷講

是以為能文帝悅之起遷一歲至太中天夫

誦董仲舒少治春秋孝景時為博士下帷講誦弟子傳

園其精如此進退容止非說詩解人頥匡衡好學家貧

尤精力過絕人諸儒為之語曰無說詩治尚書世為博

士孔子之後孔忠生武及安國武生延年延年生霸安

國延年皆以治尚書為武帝博士霸以治尚書事太

傅夏侯勝昭帝末年為博士霸經學尤鄒魯大儒韋賢

明成帝初即位舉為博士官至丞相鄒魯大儒韋賢

質朴少欲篤志於學兼通理尚書以詩教授號稱鄒魯

大儒徵為博士給事中昭帝時稍遷光祿大夫後位至

丞相博士衣而不冠

王式為昌邑王師昌邑廢式繫獄當死曰臣以詩三百五篇朝夕授

王至於忠臣孝子之篇未嘗不為王反覆誦之也至於危亡失道之君未嘗不流涕深陳之也使者以聞得減

死論後徵為博士式徵來衣博士衣而不冠曰刑餘之人何宜復充禮官竟謝病歸魯詩宗博士江公

世為魯治詩為孝景博士禮有大戴小戴慶氏之學

蓋卿東海人也事蕭奮以授后蒼魯閭丘卿蒼說禮數百言號曰后氏曲臺記授沛聞人道漢子方梁戴德延

君戴聖次君師慶普孝公德號大戴嘗為太傅聖號小戴以博士論石渠由是禮有大戴小戴慶氏之學待

詔金馬門公孫弘對策時有百餘人太常奏弘第居下天子擢為第一名召入見容貌甚醜拜為博

士待詔韓氏詩韓嬰燕人也孝文時為博士景帝時為常山王太傅嬰推詩人之意而作外傳

數萬言其語頗與齊魯間殊然其歸一也而燕趙間言詩者由韓生韓生亦以易授人推易意而為之傳燕趙好詩故其易徹惟韓氏自傳之孝宣時涿郡韓生其後也以易徹待詔殿中曰所授易先太傅所傳也嘗受韓詩不如韓氏易深

毛公治詩

毛公治詩為河間獻王博士授費長卿授解延年

大傳其專傳之

延年授徐敷教授陳俠為王莽

論石渠

施讐字長卿沛人也沛與碭相

講學大夫由是言毛詩者本之

近讐為童子從田王孫受易後讐徙長陵田王孫為博士復從卒業詔拜博士甘露中與五經諸儒雜論同異

於石渠閣初丁寬從田何受易時寬授田王孫田王孫授施讐孟喜梁丘賀繇是易有施孟梁丘之學初孟喜

從田王孫受易喜好自稱譽得易家候陰陽災變之書詐言師田生死時枕喜膝獨傳喜諸儒以此耀之同門

梁丘賀疏通證明之曰田生絕於又歐陽高為博士高施讐手中時喜歸東海安得此事又孫地餘為太子中

庶子以尚書授太子後為博士論石渠周堪字少卿齊人也與孔
事小夏侯建為博士論石渠周堪字少卿齊人也與孔
霸俱事大夏侯霸為博士精習有師法張禹甘露中諸儒
士堪譯官論於石渠精習有師法薦之有詔太子太
傅蕭望之問禹對易及論語大義望善說禮服夏侯
之奏禹精習有師法久之乃試為博士善說禮服夏侯
孤好學從始昌受尚書及洪範五行傳說災異又善說
禮服徵為博士光祿大夫會昭帝崩昌邑王嗣立數出
勝諫以天久而臣下有謀上者霍光召問勝言在洪範
皇之不極厥罰常陰時則有伐上者惡察察言故曰臣
下有謀先大驚以此益重經折角朱雲受易頗有師道
術士注云禮服謂禮之喪服是時少府五鹿充宗
貴幸為梁丘易自宣帝時善梁丘氏說元帝好之欲考
其異同令充宗與諸易家論充宗乘貴辯口諸儒莫能
與抗皆稱疾不敢會有薦雲者召入攝齊升堂抗首而
談音動左右既論難連拄五鹿口故諸儒語曰五鹿岳

岳朱雲折其角
由是為博士

公羊春秋有嚴顏之學

嚴彭祖與顏安樂俱事眭孟孟

曰春秋之意在二子矣孟死彭祖安樂各顯門教
授由是公羊春秋有嚴顏之學彭祖為宣帝博士

顯門

教授上易有京氏之學

京房受易梁人焦延壽房授東海殷喜河東姚平河南弘桑皆

為郎博士由是
易有京氏之學

傳業者寢盛

自武帝立五經博士置弟子負設科射策勸以官祿

託於元始百有餘年傳業者寢盛初書惟有歐陽禮后

蒼易春秋公羊而已至孝宣時復立大小夏侯尚書大

小戴禮施孟梁丘易穀梁春秋至元帝世復立京氏易
平帝時又立左氏春秋毛詩逸禮古文尚書所以網羅

遺失為詩最精

魯國先賢傳漢文帝時申公為詩最精
以為博士申公為詩傳號曰魯詩也

使行風俗矯制使膠東

前漢元鼎中徐姬為博士使行風俗姬矯制使膠東魯國鼓鑄鹽鉄

還奏事張湯劾姬矯制法死姬以為春秋之義大經行
夫出疆有可以安社稷利萬民可專也湯不能屈

宜充本朝

薛廣德以魯詩教授楚國龔勝師事焉蕭望之為御史大夫徐廣德為屬數與論議器之

薦廣德經行宜充本

朝以為博士論石渠

得生幾晚後漢桓榮少習歐陽尚書年六十餘始辟大司

徒府時世祖召今說尚書甚善之拜為議郎每朝會輒
今榮於公卿前敷奏經書帝稱善曰得生幾晚會歐陽

博士缺因拜榮焉

溫恭有醞藉

桓榮拜博士車駕幸太學博士論難于前榮被服儒衣溫恭有

醞藉每以禮讓相厭不以
辭采勝人儒者莫之及

三家皆立博士

後漢儒林傳曰前書云濟

南伏生傳尚書授濟南張生及千乘歐陽生授同郡倪
寬寬授歐陽生之子世世相傳至魯孫歐陽高為尚書

歐陽氏學張生授夏侯都尉族子始昌始昌傳
族子勝為大夏侯氏學勝傳從兄子建建別為小夏侯

氏學三家
皆立博士
八世博士
歐陽欽自歐陽生傳伏生爭立左
高書至欽八世皆為博士

氏學
初欲立左氏學博士范升以為左氏淺末不宜立陳
元聞之乃詣闕上疏爭之更相對辨凡十餘上帝

卒立左
當世稱通儒
董均永平初為博士時草創五郊
祭祀及宗廟禮樂威儀章服輒令

均叅議多見從
不得就席
戴憑習京氏易年十六郡舉
用當世稱通儒
明經徵試博士拜郎時憑對

曰博士說經皆不如臣而坐居上是以不得就席帝即
召上殿令與諸儒難說多所解釋帝善之拜為侍中後

正旦朝賀百僚畢集帝令羣臣能說經者更相詰難義
有不通輒奪其席以益通者憑遂重坐五十餘席京師

語曰解經不
窮戴侍中
重坐五十餘席
解經不窮戴侍中
上天

下宗師
朱浮以國學既興宜廣博士之選上書曰博
士之官為天下宗師使孔聖之言傳而不絕
夜

定奮說死於燈下

王充論衡王莽之時有五經章句博士弟子郭略夜定奮說死於燈下

瘦羊博士

東觀漢記甄宇拜博士每臘詔賜博士人一羊有小大肥瘦時議欲殺羊分肉宇欲化其

爭因取瘦者自是不復身後召會詔五經並授魏志樂祇字文

問瘦羊博士所在京師因以為號五經並授魏志樂祇字文

少好學黃初中徵拜博士十餘人文多偏僻質疑滯會

與書謝沈間居色養不交人事時有論難學者請業康帝即位朝議七廟迭毀於是以太學博士徵之用質疑滯

親詣省病拜於床下晉書載記姚泓受經於博士淳于岐岐病親詣省病拜於牀下自是

公侯見師賜席至八九重殷氏世傳殷亮建武中徵拜傳皆拜賜席至八九重博士邊講學大夫諸儒論勝

者賜席至八九重帝用注小戴大戴後周盧辯字景宣嘉之曰學不當如是耶為太子博士以大

戴禮未有解詁辯乃注之其兄景裕為當時碩儒掃門
謂辯曰昔時中注小戴今又注大戴庶纂前修矣
熊安生初仕北齊為國子博士武帝入鄴安生遂令掃
門家人恠而問之安生曰周帝重道尊儒必將見我矣
俄而帝幸其家詔不聽拜親執其手引與同坐謂曰朕
未能去兵以此為愧安生曰黃帝尚有阪泉之戰况朕
下恭行天罰乎帝又曰齊氏賦役繁興竭民財力朕救
焚拯溺思草其弊欲以府庫及三臺雜物散之百姓公
以為何如安生曰昔武王克商散鹿臺之財發鉅橋之
粟陛下此詔異代同美又曰朕何如武王安生曰武王
伐紂懸首白旗陛下平齊兵不血刃愚謂聖略為優帝
大悅賜帛三百尺米三百石宅一區并賜象笏及丸環
金帶自餘六儒隋書馬光開皇初高祖徵山東文學之
他物稱是士光與張仲讓孔彪實任榮張買奴劉
祖仁等俱至并授太學
博士時人號曰六儒
剖析疑滯
馬光為太學博士嘗
因釋莫高祖親幸國

子學王公以下畢集光升坐講禮啟發彰明已而諸儒
生以次論難者十餘人皆當時碩學光剖析疑滯雖辭
非俊辨而理義弘瞻論者莫測詞義鋒起王頗授著作
其淺深咸共推服上嘉而勞焉
國子講授會高祖親臨釋奠國子祭酒元善講孝經頗
與之論難詞義鋒起元善往往見屈高祖大奇之起授國
子博士 駁立后數何安授太學博士帝初欲立五后以問
士 不宜有五安曰帝嘗四妃舜又二妃 考定學生攬筆便
亦何常數帝由是封安襄城縣男
下 房暉遠為國子博士會上令國子生通一經并悉薦
舉將擢用之既策問訖博士不能時定減否祭酒元
善怪問之暉遠曰河南河北義例不同博士不能徧涉
學生皆持其所短稱己所長博士各自疑所以久而
不決也祭酒令暉遠考定之暉遠攬筆便下初無疑滯
或有不學者暉遠問其所傳義疏輒為始末講之然後

斤其所短自是無敢飾非者所試四五一時之最大業初禮

百人數日便決儒者莫不推其道釋

部侍郎許善心舉徐文遠與包愷陸德明魯達為

學館遂擢授文遠國子博士愷等並為太學博士時人

稱文遠之左氏褚徽之禮魯達之無他才伎唐書朱朴

詩陸德明之易皆為一時之最

國子博士腐儒木彊無他才伎道士許巖士出入禁中

嘗依朴姦利從容上前薦朴有經濟才昭宗召對以經

義甚悅即日拜諫議大夫平章事在中書與名公齒發

筆札議論動為笑端數日巖士事敗俱為韓建所殺

揚風雅蓋文懿武德初歷國子助教時高祖引於秘書

開講發毛詩題公卿成萃更相問燭下看書不寐王元

難文懿發揚風雅甚得人之致敬

授中直弘文館是後則天親祠南郊及享明堂封嵩岳

元感皆受詔與諸儒撰定儀注凡所立議眾咸推服之

轉四門博士時雖年老猶能燭下看書通宵不寐

多非儒雅之寶

見祭酒判祥瑞案注

國子四門助教

六典國子助教二人從六品上

晉武帝初立國子學置助教十五人官品視南

臺御史服同博士東晉孝武損為十宗齊並同梁班第二陳品第八秩六百石後魏第七品北齊置十人品同後魏隋初置國子助教五人從七品下大業三年減置一人皇朝增置二人掌佐博士分經

以教授焉太學助教三人從七品上

後魏置太學助教第八品中北齊國

子寺有太學助教二十人從第九品下後周置太學助教上士六人北齊國子寺有二十人隋初五人從九品

下皇朝因並掌同國子置三人

別與一官

唐李德裕太和中為平章事時文宗欲李訓為諫官德裕諫曰李訓小人不可在陛下左

右頃年惡迹天下皆知故用必駭視聽文宗曰人誰無過俟其後改朕以逢吉所託不忍負言德裕曰聖人有

改過之義訓天性姦邪无悛改之理帝召顧王涯商量別與一官乃授四門教授 正直純厚有

儒者之風

北齊書劉執思渤海人也遷國子助教以經入授皇太子正直純厚有儒者之風 左

右言其能詩

國朝至道元年布衣潘閻對於崇政殿賜進士及第授國子四門助教閻賣藥京師

好交結上左右有言其能詩者因召見而有是命未幾復追還詔書 一夕而卒 黃晞字景徵閩人久

客京師學術深厚著聲隅先生授助教一夕而卒 一聞助

教而死二醫

筆談子姍家朝散郎王九齡常言其祖貽永侍中有女子嫁諸司使夏偕因病危甚

服朱嚴藥遂差貂蟬甚喜置酒慶之女子於坐求為朱嚴秦官貂蟬難之曰今歲恩例已許門醫劉公才當候明年女子乃哭而起竟不可留貂蟬追許之召公才諭以女子之意輒是歲恩命以授朱嚴制下之日嚴死公才召囑王公曰朱嚴未命而死法容再奏公然之自為公才請及制下公才之尉氏縣使人召之公才方飲酒聞官大喜遂暴卒一聞助教而死

二醫一官不可妄得況其大者乎

直講

六典直講掌佐博士助教之職專以經術講授而已

唐六典直講四人

初唐置無員數長安四年始定為四員

大成十人

唐置取貢

舉及第人簡聰明者試書日誦得千言并口試策所習業等十條通七然後補充仍散官祿俸賜會同直官例給武后長安中省而置直講定為四員

國朝置國子監直講以掌教授至道二年邢昺張雍林
鶴孫奭於京朝幕職州縣官中薦儒術該博士行端良
堪充國子監直講者十人太子洗馬張隸等試經義于
學士院而命之皇祐四年詔今後須選舉通明經義德
行純至有老成之器年四十以上可與胄子為儀範者
充

熙寧四年詔主判官外直講以十員為額每二員共講
一經委中書選差或主判官奏舉以三年為任選人到

監五年與京官或教導有方或職事不修者並委主判

官奏陳常議升黜

講說甚精

國朝咸平元年因訪明達經義者叅知政事李至以國子監直講崔頤正為對上曰朕宮中無事頗

思講說因詔頤正於後殿講尚書大禹謨賜正五品服他日對輔臣曰頤正講說甚精卿等更於班行中訪經明行修之人具名聞作慶厯聖德詩

慶厯三年三月天下所謂賢士大夫者畢用於兩府侍從臺隸之官物議以為宋之用人

於茲為盛太學直講太子中允石介作慶厯聖德詩其字云云後為時權所記會徐州孔直溫判搜其家得介書坐貶而卒時以詐死欲剖其棺而驗之也近臣言介實死乃得免歐陽修有詩哭之曰以埋猶不信僅免斫其棺噫介之才識謀慮國之淵藪經術文學世之冠冕天若假之以年使之復位當乎國之司直其蕭望之之流乎然許以為直君子有不敢取焉

講易賜服

慶歷五年春上幸國子監命直講孫復講乾卦言王者當法乾剛以攬威權漢元帝優游

不斷失乾剛之道也

講釋極聖人之意

邵必為國子監直講學者翕然

上嘉之賜五品服宗師之太學直講凡數人至必講釋皆極聖人之意學者傾聽贊服其餘但讀注疏而已上嘉之改大理寺丞

守道甚篤

治平二年以三班差使崔公度為和州防禦推官充國子監直講以宰臣韓琦言其守道

甚篤文章雄奇瞻逸故也

說書

國朝大中祥符七年以三班奉職鄭檢為襄州鄧城縣主簿國子監說書檢明經善誦朝士以其名聞試於國

學而命焉慶曆三年補說書官以四人為額

主簿

六典主簿一人從七品下

北齊國子寺置主簿員
隋置一人皇朝因之

掌

印勾檢監事凡六學生有不率師教者則舉而免之其

頻三年下第九年在學及律生六年無成者亦如之

假
違

程限及作樂雜戲亦
同唯彈琴習射不禁

國朝元祐官品令國子監主簿從八品

武學博士

國朝元祐官品令武學博士從八品

律學博士

六典律學博士一人從八品下

晉百官志廷尉官屬有律博士員東晉宋齊並

同梁天監四年廷尉官屬置胄子律博士位視員外郎
第三班陳六百石品第八後魏初律博士第六品太和

二十二年為九品上北齊大理寺官屬有律博士四人
第九品上隋大理寺官屬有律博士八人正九品上皇

朝省置一人
移屬國學掌文武八品以下及庶人子之為生者以

律令為專業格式法例亦兼習之其束脩之禮督課試

舉如三館博士之法

國朝元祐官品令律學博士從八品

轉相教授

晉刑法志衛顛奏請置律學博士轉相教授

書學博士

六典書學博士二人從九品下

世本蒼頡作書周禮保氏教以六藝其五曰六

書鄭司農云象形會意轉注指事假借諧聲也古謂之小學漢食貨志曰八歲入小學學六甲五方書計之事

晉衛恒書勢曰昔黃帝有沮誦蒼頡始作書契蓋觀鳥跡以興思也秦壞古文制八體一曰大篆二曰小篆三曰

刻符四曰蟲書五曰摹印六曰署書七曰殳書八曰隸書王莽時甄豐校文字復有六書一曰古文二曰奇字

三曰篆書四曰佐書五曰繆篆六曰鳥書自漢以來不見其職隋置書學博士一人從九品下皇朝加置二人

掌教文武官八品以下及庶人子之為生者以石經說
文字林為專業餘字書亦兼習之石經三體書限三年
業成說文二年字林一年其束修之禮督課試舉如三
館博士之法

算學博士

六典算學博士二人從九品下

世本隸首作算周禮保
氏教以六藝其六曰九

數即九章也一曰方田二曰粟米三曰差分四曰少廣
五曰商功六曰均輸七曰方程八曰贏不足九曰旁要
漢律歷志曰數者一十百千萬所以算數事物也小學
是列職在太史義和掌之魏晉以來多在史官不列於

國學隋置算學博士一人掌教文武官八品以下及庶
從九品下皇朝增置二人

人子之為生者二分其經以為之業習九章海島孫子
五曹張丘建夏侯陽周髀十有五人習綴術緝古十有
五人其記遺三等數亦兼習之孫子五曹共限一年業
成九章海島共三年張丘建夏侯陽各一年周髀五經
算共一年綴術四年緝古三年其東脩之禮督課試舉
如三館博士之法

都講

明章句善問難

後漢書丁鴻好尚書三年而參從桓榮受歐陽尚書三年而明章句善問難為

都講遂篤志精銳布衣荷擔不遠千里

諸生咸重之

郭丹買符函谷關既到京師常為都講諸

生咸重之誤持曲禮卷上座

祖榮字元珍十二為中書學生博士張天龍講尚書選為都講

生徒悉集榮夜讀書不覺天曉催講既切遂誤持曲禮卷上座博士嚴毅不敢復還仍致禮座講尚書三篇不遺

一篇篤志詩書

續漢書侯霸字君房為人矜嚴有威字容篤志詩書師事望之常為都講貧無

資前漢倪寬諸博士受業孔安國貧無資因常為都講

送一難眾皆拊舞

世說支道林許

詢諸人共在會稽王齋之為法師都講支通一義四座莫不厭心許送一難眾皆拊舞但共嗟歎二家之美不

解其留車與語會稽典錄鄭弘常出一書生羸服知必異人留車與語果是京師都講祭酒弘

下車賓禮明禮北齊鮑季祥渤海人甚明禮少時講於

士林館陳書沈洙好方雅正直不妄交遊吳郡朱忌會稽謝琛甚加重之琛於士林館講常使洙為都

馬講

職官分紀卷二十一

欽定四庫全書

職官分紀卷二十二

宋 孫逢吉 撰

少府監

附少監

前漢百官表少府秦官掌山海池澤之稅以給供養應

助

曰名曰禁錢以給私養自別為藏少者小也故稱少
府師古曰天司農供軍國之用少府以養天子也 有

六丞屬官有尚書符節太醫太官湯官導官樂府若盧
考工室左弋居室甘泉居室左右司空東織西織東園

匠十二官令丞

如淳曰若虛官名也主藏兵器

又脮人都水均官三長

丞

脮與庖同

又上林中十池監

未詳其數

又中書謁者黃門鈎盾

尚方御府永巷內者宦者七官令丞諸僕射署長中黃

門皆屬焉武帝太初元年更名考工室為考工左弋為

飲飛居室為保宮甘泉居室為昆臺永巷為掖庭飲飛

掌弋射有九丞兩尉太官七丞昆臺五丞樂府三丞掖

庭八丞宦者七丞鈎盾五丞兩尉成帝建始四年更名

中書謁者令為中謁者令初置尚書員五人有四丞河

平元年省東織更名西織為織室綏和二年哀帝省樂府王莽改少府曰共工

後漢百官志少府卿一人中二千石掌中服御諸物衣服寶貨珍膳之屬丞一人比千石太官令一人六百石掌御膳食左丞甘丞湯官丞果丞各一人守宮令一人六百石主御紙筆墨及尚書財用諸物及封泥丞一人上林苑令一人六百石主苑中禽獸頗有民居皆主之捕得其獸送太官丞尉各一人侍中常侍給事黃門侍

郎並見本門小黃門六百石宦者無員掌侍左右受書事上

在內宮關通中外及中宮以下衆事諸公主及王太妃

等有疾苦則使問之黃門令一人六百石董巴曰禁門曰黃闕以中

人主之故號本注曰宦者主省中諸宦者丞從丞各一

人本注曰宦者從丞主出入從黃門署長畫室署長玉

堂署長各一人丙署長士人皆四百石黃綬本注曰宦

者各主中宮別處中黃門冗從僕射一人六百石本注

曰宦者主中黃門冗從居則宿衛直守門戶出則騎從

夾乘輿車中黃門比百石本注曰宦者無員後增比三百石掌給事禁中

掖庭令一人六百石本注曰宦者掌後宮貴人采女事左右丞暴室丞各一人本注曰宦者暴室丞主宮中婦人疾病者就此室治其皇后貴人有罪亦就此室

永巷令一人六百石本注曰宦者典官婢侍使丞一人本注曰宦者

御府令一人六百石本注曰宦者典官婢作中衣服及

補沆之屬丞織室丞各一人本注曰宦者

祠祀令一人六百石本注曰典中諸小祠祀丞一人本注曰宦者

鈎盾令一人六百石本注曰宦者典諸近池苑園遊觀之處丞永安丞各一人三百石本注曰宦者永安北宮東北別小宮名有園觀苑中丞果丞鴻池丞南園丞各一人二百石本注曰苑中丞主苑中離宮果丞主果園鴻池池名在雒陽東二十里南園在雒水南濯龍監直

里監各一人四百石本注曰濯龍亦園名也在雒陽城西南

中藏府令一人六百石本注曰掌中幣帛金銀諸貨物
丞一人內者令一人六百石本注曰掌中布張諸衣物
左右丞各一人尚方令一人六百石本注曰掌上手工
作御刀劍諸好器物丞一人

尚書令尚書僕射尚書左右丞侍郎

各見本門

符節令一人六百石本注曰為符節臺率主符節事凡

遣使掌授節尚符璽郎中四人本注曰舊二人在中主璽及虎符竹符之半者符節令史二百石本注曰掌書

御史中丞

見本門

右屬少府本注曰賦屬少府者自太醫上林凡四官自侍中至御史皆以文屬焉承秦凡小澤陂池之稅名曰禁錢屬少府世祖改屬司農考上轉屬太僕都水屬郡國考武帝初置水衡都尉秩比二千石別主上林苑有離宮燕休之處世祖省之并其職於少府每立秋軀劉

之日輒暫置水衡都尉事訖乃罷之少府每六丞省五
又省湯官織室令置丞又省上林十池監胞人長丞官
者昆臺飲飛三令二十一丞又省水衡屬官令丞長尉
二千餘章和以下中官稍廣加嘗藥太官御者鈎盾尚
方考工將作監皆六百石宦者為之轉為兼副或省故
錄本官

應劭漢官

已見前漢
百官表注

漢官宰尹少府言別為收藏故曰少府

南齊百官志少府置丞一人領左右尚方各一人丞
二人鍛署令一人御府東冶南冶平準上林令各一人
丞一人

晉職官志少府與太后少府卿皆為列卿各置丞功曹
主簿五官等員少府統材官校尉中左右三尚方中黃
左右藏左校甄官平準奚官等令左校坊鄴中黃左右
藏納官等丞及渡江哀帝省并丹陽尹孝武復置自渡
江唯置一尚方又省御府

隋百官志梁以少府為少府卿是為夏卿置丞及功曹
主簿少府卿位視尚書左丞置材官將軍左中右尚方
甄官平水中署南塘邸稅庫東西治中黃細作炭庫紙
官染署等令丞陳少府卿中二千石後齊太府寺掌金帛府
庫營造器物統左中右三尚方左藏司染諸治東西道
署黃藏右藏細作左校甄官等署令丞左尚方又別領別
局樂器器作三局丞中尚方又別領別局涇州絲局雍
州絲局定州紬綾局四局丞右尚方又別領別局丞司

染署又別領京坊河東信都三局丞諸治東道又別領
溢口武安白澗三局丞諸治西道又別領晉陽治泉部
大邠原仇四局丞甄官署又別領石窟隋太府寺統左
藏左尚方內尚方右尚方司染右藏黃藏掌治甄官等
署各置令二人丞四人煬帝分太府寺為少府監而但
管京都市五署及平準左右藏等凡八署京師東市曰
都會西市曰利人東都東市曰豐都南市曰大同北市
曰通遠及改諸令為丞唯市署曰令

少府監正監

從三品

少監

從四品

各一人丞

從五品

二人統左

尚右尚內尚司織司染鎧甲弓弩掌冶等署復改監少

監為令少令併司織司染為織染署廢鎧甲弓弩二署

唐職官志武德九年分將作監為少府監龍朔二年改

少府監為內府監咸亨復舊垂拱元年曰尚方監左右

尚方二署除方字太極元年增置少監一員

六典少府監一人從三品

梁班第十一品從第四陳因之後魏少府宗正太僕池尉

司農鴻臚為之次卿第二品上太和末改少府為太府北齊不置少府其左中右三尚方司染諸冶及細作甄

官等署並隸太府寺至隋煬帝大業五年始分太府為少府監置監一人從三品少監一人從四品後又改監為令少監為少令皇朝因為監龍朔二年改為內府監咸亨元年復舊光宅元年改為尚方監神龍元年復舊開元初分甲錐弓弩別置軍器監十二年省軍器監其作並歸少府等又於北都置軍器監少監二

人從四品下

隋煬帝置一人皇朝因置二人龍朔咸亨光宅神龍並隨監改復

監掌百

工伎巧之政令摠中尚左尚右尚織染掌冶五署之官

屬庀其工徒謹其繕作少監為之貳丞四人主簿二人

錄事二人府二十七人史七十人計史三人亭長八人

掌固四人

中尚署令一人從六品上

漢少府屬官有高方令丞後漢一人

其後分為中左右魏因之晉過江唯置一人哀帝以隸
丹陽尹孝武復舊魯代掌造軍器宋高祖踐阼以相府
部配臺謂之左尚方而本署謂之右尚方令丞各一人
武帝改右尚方曰御府又置中署隸右尚方齊置左右
尚方令丞一人梁置左中右三尚方今其丞令並從九
品其後廢中尚方陳因之北齊太府寺管三尚方隋開
皇有內左右三尚方猶屬太府寺內尚方令二人正八
品下掌諸織作場帝分屬少府皇朝因置二人省方字
開元十八年省一丞四人從八品下梁位在七班之下
人升為從六品上

丞四人正九品下皇朝監作四人從九品下令掌供郊
因之開元中升其品

祀之圭璧及歲時乘輿器玩中宮服飾雕文錯綵珍麗

之制皆供焉丞為之貳其所用金木齒革羽毛之屬任所出州土修以時供送焉

左尚署令一人正七品下

梁班從九品隋開皇中並屬天府寺左尚令三人掌造車

輦繳扇弓箭弩戟器仗刀鏃膠漆竹木骨角畫素刻鏤燭等皇朝置一人開元十八年為正七品下丞

五人從八品下

梁選部左尚方丞為三品勳位隋左尚方丞八人正九品下皇朝置五人開元

十八年為從八品下掌供天子之五輅五副七輦三輦十有二車

大小方圓華蓋一百五十有六諸翟尾扇及大小繳翰辨其名數而頒其制度丞為之貳凡皇太后皇后內命

婦之重翟馱翟翟車安車四望金根等車皇太子之金輅輅車四望車王公以下象輅草輅木輅輅車公主王外命婦一品馱翟車二品三品犢車其制各有差

右尚署令一人正七品下

隋屬太府寺令三人正八品下煬帝改隸少府馬皇朝因

置令二人掌造甲冑兵裝刀斧鉞及皮毛雜作膠漆墨紙筆薦席等事開元十八年省一人陞為正七品下

丞四人從八品下

隋六人皇朝置四人開元十八年為從八品下

監作六人令

掌供天子十有二閑馬之鞍轡及五品三部之帳備其材草而修其制度丞為之貳凡刀劔斧鉞甲冑紙筆茵

蓆履舄之物靡不畢供

織染署令一人正八品上

周禮九職嫗婦化理絲枲考工記理絲麻而成之謂之婦

功後周有司織下大夫一人掌凡機杼之工隋煬帝置司織署令丞後并為織染署周禮天官有染人冬官有設色之工五謂畫繪鍾篋帔也韋昭辨釋名云平準令主染有常平之法故準而的之兩漢並隸司農晉平準令有監染吏六人初隸司農後屬少府宋順帝名準始改曰染署令齊復為平準令北齊太府寺有司染署長秋等有染局丞後周有染工上士一人又有司色下大夫一人隋初有司染署後魏太府煬帝分屬少府大業五年合司織司染為織染署令二人正九品上

隋四人皇朝為二人

監作六人令掌供天子皇太子及羣臣之冠冕辨其制

度以供其職務丞為之貳天子之冠二

通天

冕六

大裘 衮 鷩 鷮

毳 絺

弁二武幘二

黑介 平巾帽一

白紗太子之冠三

三梁 遠遊 進德冕

二裘弁一皮幘一

平巾臣之下冠五

遠遊 進賢 易高山却非

冕五裘

毳 絺

弁二武幘三

介 平巾 平巾 緣

凡織絰之作有十

布 絹 純 紗 綾 羅 錦 綺

綢組綬之作五

紐 綬 繩 纓

綢線之作四

綢 綠 絰 網

練染之作六

青 絳 黃 白 皂 紫

凡染大抵以草木而成有以花葉有以莖實有

以根皮出有方土採以時月皆率其屬而修其職

掌治署令一人正八品

周禮冬官攻金之工六謂築冶 鳧 鼎 段 桃 也 秦 漢 郡 國 出 鐵 者

置鐵官長丞晉衛尉屬官有治令丞掌工徒鼓鑄過江
省衛尉而治令始隸少府宋有東治令丞南治令丞齊
因之舊東治重西治輕然則梁之西治蓋宋齊南治也
陳因之北齊太府寺有令丞後周有治工中士一人有
鐵工中士一人隋太府寺有令二人煬帝丞二人正九
改爲少府令從八品上皇朝因之省一人丞二人正九
品上監作二人令掌鑄銅錢器物之事丞為之貳

諸治監各一人正七品下

秦漢內史及諸郡國出鐵者置
鐵官長丞晉令諸治官庫各置

督監一人宋書云江南諸郡縣有鐵者或置治令或丞
皆吳時置也齊梁有梅根諸治令北齊諸治有局丞隋
皆置監監中有上中下三等皇朝因之丞一人從八品
掌鑄兵農之器以給軍旅屯田居人焉

上監作四人

諸鑄錢監監各一人

又周禮泉府上士四人掌市之征布

府同貨而斂布國凶荒札喪則市無征而作布漢食貨志太公為周立九府圜法錢圜函方輕重以銖故貨寶於金利於刀流於泉布於布東於帛周景王鑄大錢文曰寶貨肉好皆有周郭秦魚天下銅錢文曰半兩重如其文漢興以秦錢重難用令人鑄榆莢錢文帝以錢益輕更鑄四銖錢文為半兩除盜鑄錢令使民放鑄及武帝初鑄三銖錢重如其文禁人盜鑄有司言三銖錢輕更請郡國鑄五銖錢文曰五銖周郭其質又以人多姦鑄令京師鑄官赤仄一當五其後赤銅錢又廢於是悉令郡國毋鑄錢專令上林三官鑄錢自武帝元狩三年初鑄五銖錢至平帝元始中成錢三百八十億萬餘王莽變漢制始造大錢徑寸二分重十二銖文曰大錢五百後又以多所改作及公孫述於蜀鑄錢人不使之故謠曰黃牛白腹五銖當復後光武除王莽所造復五銖

錢靈帝鑄四出錢魏初專以梁帛為貨明帝復立五銖錢至西晉不改吳淶權鑄大錢一當五百文又鑄一當十錢蜀劉備鑄一當百東晉沈充鑄小錢謂之沈郎錢宋文帝又鑄四銖錢體完厚孝武四銖形小薄少帝鑄二銖錢謂之萊子錢又有綈環錢貫之以縷入水不沈南齊又用四銖梁武帝鑄二種內好周郭文曰五銖重如其文又除內郭謂之女錢百姓私用古錢有直百五銖錢太平百錢定平一百五銖雜錢五銖對文等號輕重不一普通中說罷銅錢鑄鐵錢陳初有梁末兩柱及鸞眼錢時雜用之文帝改鑄五銖宣帝又鑄大貨六銖後魏太和十九年鑄錢文曰太和五銖永安二年改鑄文曰永安五銖東魏齊文襄以錢文五銖名須稱實秤二文重五銖計百錢重一斤四兩二十銖北齊文宣帝鑄常平五銖重如其文周武帝布泉錢以一當五以五銖並行建德中復鑄五行大布一當十宣帝又鑄永通萬國以一當十隋高祖以天下錢貨不等更鑄新錢背

面內好皆有周郭文曰五銖重如其文每一千重四斤
二兩自漢至隋雖時或輕重皆用五銖皇朝武德中忠除
五銖更鑄開元通寶錢乾封初又鑄乾封泉寶錢尋廢
開元中以錢濫惡江淮尤甚有詔禁斷令御史往江漢
問收歛納官鎔之其求稍廣州縣恐其錢數不充隨以
好錢繼之自是百姓錢幣耗損御史坐是左遷舊法每
一千重六斤二兩近所鑄者多重七斤錢文本歐陽詢
所書錢官漢武帝初屬少府後屬水衡後漢屬司農魏
晉以下或屬少府或屬司農皇朝少府置十鑪諸州亦
皆屬焉及少府罷鑄錢諸州遂別令絳州三十鑪揚宣
鄂府各十鑪蓋鄆州各五鑪洋州三鑪定州一鑪開元
二十年千錢以六斤四兩為率二十六年宣潤等州初
置錢監其後又詔出銅所在置監鑄開元通寶京師庫
藏皆滿天下盜鑄益起兩京錢有鸞眼古文錠環之類
每貫重不過三四斤而剪鐵而鑄之天寶十一年天下
鑪九十九絳州三十揚潤宣鄂府各十蓋州皆五洋州

三定州一每鑪歲鑄錢三千三百緡後丁匠三千費銅
二萬一千二百斤鑪三千七百斤錫五百斤每千錢費
錢七百五十天下歲鑄二十萬七千緡肅宗乾元元年
經費不給鑄錢使第五琦鑄乾元重寶徑一寸每緡重
十斤與開元通寶參用以一當十亦號乾元當十錢第
五琦為相復命絳州諸鑪鑄重輪乾元錢徑一寸二分
其文亦曰乾元重寶背之外郭為重輪每緡重十二斤
與開元通寶參用以一當五十是時民間行大錢三而
重稜者亦號重稜錢上元元年減重輪錢以一當三十
開元舊錢與乾元當十錢皆以一當十史思明據東都
亦鑄得一元寶錢徑一寸四分以一當開元通寶之百
既而惡得一非長祚之兆改其文曰順天元寶代宗即
位乾元重寶以一當二重輪錢以一當三而又改大小
錢皆以一當一人甚便之其後民間開元重輪二錢鑄
為器不復出矣貞元二十年復置桂陽監以兩鑪日鑄
錢二十萬天下歲鑄錢十三萬五千緡元和四年京師

用錢絕少民間墊陌有至七十者穆宗即位京師鬻金銀十兩亦墊一兩擢米監百錢墊七文太和八年河東鑄錢復起鹽鐵使王涯置飛狐鑄錢院於蔚州天下歲鑄錢不及十萬緡文宗時天下銅坑五十歲採銅二十六萬六千斤許諸道觀察使皆得置錢坊昭宗末京師用錢八百五十為貫每百燒八十五河南府以八十為云百

諸鑄錢監監以所在州府都督刺史判之副監一人上佐判之丞一人判司判之監事一人參軍及縣尉知之錄事府史土人為之

諸交市監監各一人從六品下

漢魏以降沿邊郡國皆有交市與外國交易致

其物產也並郡縣主之而不別置官吏至隋沿邊州置
交市監視從八品副監視正第九品皇朝因之乞各隸
所管州府監如至從六品下改副監為丞品丞一人正
第八下光宅中改為通事監後復為舊交市丞一人正
八品下隋置交易副監皇朝改為交市監丞監各掌諸蕃交易之事丞為
之貳

國朝少府監掌百工技巧之事

元祐官品令少府監從七品少監從六品

儒學

前漢武帝建元六年詩武帝柏梁詩少府曰箴揚
公孫賀以儒為少府乘輿御物主治之雄

少府箴曰實實少府奉養是供經紀九品臣子攸同海
內幣帑祁祁如雲家有孝子官有忠臣民以不擾國以

不誠子無受財物歐陽地餘字長寶為少府誠其子我死官屬即送我財物慎無受汝為九

卿儒學子孫以廉著可以成名其才茂行潔漢雜事薛宣為少府

谷永上書宣才茂行朝賀求璧不得後漢東平王蒼為驃騎正月朔朝會

蒼當入賀故事少府給璧時陰就為少府貴傲不奉法

漏將盡求璧不得時蒼掾朱暉適見少府主簿持璧乃

往給曰試請觀之既得而持學義精明王恭字子然學義精明選少府

諸生自遠方至著錄數世稱大儒上三輔聞之感動張

千言當世稱為大儒也漢記太常种拂與李儒戰而死子邾微為少府鴻臚皆不受曰我父盡忠於朝而為時所妬父以身殉國為賊臣所害為臣子不能除賊何面目守法
復事明主三輔聞之為之感動魏志王觀徙少府大將軍曹爽

使材官張達斫家屋材及諸私用之物觀聞之皆錄奪

以沒官少府統三尚方御府內藏玩弄之寶奩等奢放

多有干求憚觀守以天下為己任楊阜字義山為少府

法乃徙為太僕為少府當官甚嚴少府丞與鴻臚對

任過吏魏略常林為少府當官甚嚴少府丞與鴻臚對

呼明日崔乃嘲林曰聞卿為廷尉耶林曰不徐生得無

也曰不為廷尉昨夜何故考囚乎林大慙徐生得無

逆詐耶吳志先主遣少府徐詳至魏魏太祖謂詳曰振

長洲之苑吾志足矣詳曰欲奉至尊以令諸侯若越橫

江而遊姑蘇是踵亡秦而蹈夫差恐天下事去矣太祖

曰徐生得雨非大事不應告廟滅榮緒晉書陳昞過江

天興四年四月始雨有司奏報察宗廟山川中宗詔曰

報察非奉尊上辭也吾意有疑昞以為舊山川有祈報

故雨應霖而非大事不應告廟子無要
君親之道瀆祭稱霖於義有違從之
求堪為王府長

史

唐開元初邠王府寮史有犯法者令左右求堪為王府長史者太常卿姜燾薦源乾曜公清有吏幹因召

見與語乾曜神氣清爽對荅皆有倫序上甚悅之乃拜少府少監兼邠王府長史神氣清爽對

荅有序上 叔苑中菓菜

唐尚方監裴匪躬檢校京苑將幣苑中菓菜權其利蘇良嗣駁

之曰昔公儀相魯猶能拔葵去織未聞萬乘之主鬻菓菜與下人爭利也匪躬遂止

丞

沿革見少府監門

六典少府監丞四人從六品下

漢置六人皆千石後漢置一人以明法補魏晉

因之宋齊梁陳皆一人梁班第四後魏一人從五品中隋煬帝分太府寺置少府監置丞二人皇朝加至六人

龍朔咸亨光宅神龍並隨監改復開元二十三年減二人掌判監事凡五署所修之

物須金石齒草羽毛竹木而成者則上尚書省下所由

司以供給焉

國朝元祐官品令少府監丞八品

海內豪傑

梁劉孝標曰聞管轄天才英偉圭璋特秀實海內之豪傑豈曰卜祝之流而官止少府丞年

四十八天之報

施何其寡與以弟服去職

范曄後漢書燕玄巴郡閬中人也連少府丞以弟服

去奪錦袍以賞

南龍門令累轉尚方監丞右奉宸內供奉危從遊宴則天幸洛唐宋之問從官

賦詩左史東方此詩先成則天以錦袍賜之及之問詩成則天稱其辭愈高奪此錦袍以賞之

主簿

沿革見少府監門

六典少府監主簿二人從七品下

晉今少府置主簿二人宋齊因之梁主簿

七班之中第三隋煬帝置一人皇朝加至四人龍朔掌
咸亨光宅神龍並隨監改復開元二十三年減二人

勾檢稽失凡財物之出納工人之繕造簿帳之除附各有程期不如期者舉而按之

國朝元祐官品令主簿從八品

尚方令

沿革見少府監門

煌煌古之玉府

後漢崔寔尚方令箴曰煌煌尚方古之玉府九貢是鍾百珍是聚玉以饗神珠

以捍禦岡阜三金寃飾器器精工堅密為後世法宦者蔡倫字敬

械上下有章不虞有戒
仲為尚方令監作秘劍及諸器
械莫不精工堅密為後世法

符節令

沿革見少監府門

應劭漢官儀符節令兩梁冠千石位次御史中丞領尚符
璽四人環濟要略符節令掌天子璽符及節麾幢有銅
虎竹使符中分之留其半付受為信

符臣司節

崔瑗符節令箴曰在尊曰璽在卑曰印防不可不審制不可無常如姬竊印晉鄙受殃符

臣同節敢告不剛

將作監 少監

前漢百官表將作少府秦官掌治宮室有兩丞左右中
候景帝中六年更名將作大匠屬官有石庫東園主章
左右前後中校七令丞又主章長丞武帝太初元年更
名東園主章為木工成帝陽朔三年省中候及左右前
後中校五丞

後漢百官志將作監大丞一人二千石

光武中元二年省謁者領之章

帝建初元年復置本注曰承秦曰將作少府景帝改為將作大

匠掌修飾宗廟路寢宮室陵園木土之工并樹桐梓之類列於道側丞一人六百石左右校令各一人六百石

本注曰掌左右工徒丞各一人

安帝復

應劭漢官儀世祖中興以謁者領其官

晉職官志將作大丞有事則置無事則罷

南齊百官志將作大丞不常置掌宮廟土木有事權置

兼官畢乃省

齊職儀左右甄官置掌磚瓦之任少昊鷓雉氏搏埴之

工謂陶官也漢將作大匠屬官有前後中甄官令丞各一人後漢安帝建元三年置左校令丞後秩六百石主工徒令置東西陶官

隋百官志梁改將作大匠為大丞卿置丞有功曹主簿大丞卿位視太僕掌木土之工統左右校諸署後齊將作寺掌諸宮建造大匠一人丞四人亦有功曹主簿錄事員若有營作則立將副將長史司馬主簿錄事等各一人又領軍士副幢主副等後周曰匠師中大夫隋將作

寺大匠一人丞主簿錄事各二人統左右校署令各二

人丞

左校四人
右校三人

各有監作

左校十二人
右校八人

開皇二十年改

將作寺為監以太匠為大監初加置副監煬帝改大監

少監為大匠小匠丞加為從六品統左右校及甄官署

五年又改大匠為大監正四品少匠為少監正五品十

三年又改監少監為令少令加至從五品

唐百官志將作監監一員從三品少監二人從四品下

掌土木工匠之政總左校右校中校甄官等署百工等

監大明興慶上陽宮中書門下六軍仗舍閑廡謂之內
作郊廟城門省寺臺監十六衛東宮王府諸廨謂之外
作自十月距二月休治功自冬至距九月休土功凡治
宮廟太常擇日以聞

六典將作監大匠一人從三品

左傳曰少昊氏五雉為
五工正周禮冬官掌百

工之職晉江左及宋齊並不常置梁天監七年置十二
卿改將作大匠為大匠卿是為秋卿班第十品正第五
陳因之後魏太和初從二品下二十二年降為從三品
北齊因之後周有匠師中大夫一人掌城郭宮室之制
及諸器物度量又有司木中大夫一人掌木工之政令
隋特作寺大匠一人從三品開皇二十年改為將作監

以大匠為大監煬帝改正四品十三年又改大監為令
皇朝改置大匠小匠丞主簿等員龍朔元年改為繕工

監咸亨元年復舊光宅元年改營繕監神
龍元年復舊天寶十一年改大匠曰大監
少匠二人從

四品下

後周有少匠師下大夫一人隋初特作無少匠
開皇二十年改寺為監大匠為大監始置副監

一人煬帝改為少監大業三年改少匠五年又改少匠
為少監正五品十三年又改少令皇朝改置少匠工人
龍朔咸亨光宅神龍隨監改
復天寶十一年改曰少監
大匠之職掌供邦國修建

土木工匠之政令總四署三監百工之官屬以供其職

事少匠貳焉

左校署令二人從八品下

周官有攻木之工七謂輪輿
弓廬匠車梓也秦官有左右

前後中校五令丞後漢唯置左右校令丞各一人令六
百石又有材官校尉魏并左校於材官晉過江省將作
大匠而左右校隸少府又改材官校尉為左將軍罷左
校宋齊梁陳又有左校令丞別置材官將軍司馬北齊
大府寺有左校署令丞後周有掌材上丞四人正九品
士隋匠作領左校署令二人皇朝因之

下漢成帝省左右前後中五校丞後漢置左右校丞各
一人秩三百石魏因之東晉隸少府宋齊梁北齊皆
有丞後周有掌材中士二人

隋左校丞四人皇朝因之 監作十人從九品下令掌

供營構梓匠之事致其雜材差其曲直制其器用程其
工巧丞為之貳凡宮室之制自天子至於士庶人各有
等差凡樂縣篋簾兵仗器械及喪葬儀制諸司什物皆

供馬

右校署令二人從八品下

後漢安帝置左校令右校丞其後又置右校令魏因之晉

少府屬官有左校無右校其職蓋并於左校矣宋齊梁陳皆然北齊太府寺管左校亦無右校隋置右校署令丞掌營構土作之事皇朝因之丞三人正九品下

後漢至陳並置北齊省隋右校署令三人

皇朝因之監作十人令掌供板築塗泥丹雘之事丞為之貳

凡料物支供皆有由屬審其制度而經度之

中校署令一人從八品下

漢五校皆有令丞自後不置皇朝因之丞三人

正九品下

漢成帝省皇朝復置

監事四人令掌供舟車兵

仗廡收雜作器用之事凡行幸陳設供三梁竿柱閑廡
繫飼則供判確行槽鞍架禱祠祭祀供棘葛竹槿內外
營造應供給者皆主守之丞為之貳

甄官署令一人從八品下

周禮搏埴之工二謂陶與甄也後漢特作大匠屬官有前

後中甄官令丞晉少府領之宋齊有東西陶官瓦署督令各一人後周有陶工中士一人掌為鑄彝簠簋等器
隋太府統甄官署丞二人正九品下後漢前後中三甄令皇朝改屬將作
丞二人正九品下後漢前後中三甄官丞後周有陶上
下士一人隋甄官
丞二人皇朝因之
監作四人令掌供琢石陶土之事丞

為之貳

百工就谷斜谷太陰伊陽監各一人正七品副監一人從七品下

丞一人正八品上

周禮小虞林衡並掌斬伐林木之事歷代皆有其官皇朝取其義而並置

之斜谷監在鄆縣就谷監在盩厔縣百工監在陳倉太陰監在陸渾縣伊陽監在伊陽縣錄事各一

人監作各四人百工等監掌採伐林木之事辨其名物而為之主守

國朝將作監掌城壁宮室橋梁街道舟車凡營造之事元祐官品令將作監從四品少監從六品

經構宮室

前漢揚雄將作大匠箴曰開閉將作經構宮室牆以禦風宇以蔽日寒暑攸除鳥鼠攸去

主有宮殿民有宅居昔在帝王吏皆懷恩力作倍功魏

茅茨土階夏旱宮室在彼溝池使督促數罰掾吏以屬霸霸修己不責而反勞之曰今

徵拜將作大匠明年和帝崩興作慎陵時歲冬地凍中諸卿被辱大匠過也巡行病徒自省醫藥續漢書曹褒

吏皆懷恩力作倍功明年時有疾疫巡行病徒視事五年省費億萬書應慎

自省醫藥糜粥死者減少字仲華為將作大匠發摘衆姦皆極其刑豪滑之吏累

迹上受一大錢劉寵拜會稽太守微為將作大匠有老

錢文大勤苦賜秩馬延為將作大匠成帝坐請托免張奮

作大匠坐推賢貢士李固遷將作大工無虛張之繕鄧

請托免匠常推賢貢士工無虛張之繕豹

字伯遲遷大匠工無虛躬親作功為士卒先謝承後漢書陳球字

伯真拜將作大匠桓帝崩營陵寢省息十億餘萬汝南先賢

傳應慎遷大匠發摘姦伏除藻飾之無發摘姦伏上上

用割有損之浮費所省息十億餘萬

疏省宮人魏志楊阜字義山為將作大匠明帝時初治宮室發美女充後庭阜上疏欲省宮人諸不

見幸者乃召御府吏問後宮人數吏守舊令對曰禁密不得宣露阜怒杖吏一百數之曰國家不與九卿為密

乎帝聞之營造勤勞何法盛晉春秋王彬字世儒為大匠以營創勤勞賜闕內侯遷尚書

而愈敬暉掘地得古尺晉書將作大匠陳勰掘地得古尺上書奏曰今尺長於古尺宜以古為正

射潘岳以為習用已久不宜復改云勤濟稱旨唐書姜行本為將作大匠太宗修元成洛陽宮行本

總領之以勤濟稱旨賞賜甚厚有所遊幸未嘗不從

虛費功力

實璉字之推為將作大匠修葺洛陽

宮璉於宮中鑿池起山崇飾雕麗虛費功力太宗怒遽令毀之

修奉弛慢

王堪見太子賓客門調護

之若言嘉謀無足可紀

將作少監楊務廉素以功巧用中興初袁恕己恐其更啓遊娛

侈靡之端言於中宗曰務廉致位九卿積有歲年矣若言嘉謀無足可紀每宮室營構必務其侈若不棄之何

以廣昭聖德由是左授陵州刺史

丞

沿革見將作監門

六典將作監丞四人從六品下

漢將作有丞二人秩本六百石後漢置一人魏

晉因之東晉宋齊有事則置無事則罷梁置一人班第三陳因之後魏從五品中太和二十二年第七品下北

齊送四人從七品上後周匠師上士一人隋將作丞二人從六品大業十三年加至從五品皇朝加丞至四人從六品下掌判監事凡內外繕造百司供給大事則聽制敕小事則俟省符以詔大匠而下於署監以供其職

國朝元祐官品令將作監丞從八品下

賜金千斤

缺

上歿後有一人騎馬馬異常持尺一

因忽不見札乃變為金稱之有千斤

主簿

六典將作監主簿二人從七品下

晉置主簿員江左有事則置無事則省梁

復置一員七品班第三北齊將作寺有功曹主簿員若有營作又別立長史司馬主簿各一員隋二人皇朝因之掌印勾檢稽失凡官吏之申請糧料俸食差遣假使必由之以發其事若諸司之應供四署三監之財物器用違闕隨而舉焉

國朝元祐官品令將作監主簿從八品



職官分紀卷二十二

欽定四庫全書

子部
職官分紀卷二十三至
六

詳校官中書臣沈鳳輝

侍讀臣孫球覆勘

總校官編修臣王燕緒

校對官編修臣吳舒惟

騰錄監生臣黃楷

欽定四庫全書

職官分紀卷二十三

宗 孫逢吉 撰

軍器監 少監 附

隋百官志後周武帝四年初置軍器監

唐職官志軍器監

正四品上 武德初為正三品七年省
八年復置九年又省十年復置北都

監 軍器

唐百官志軍器監監一人正四品上丞一人正七品上

掌繕甲弩以時輸武庫總署二曰弩坊二曰甲坊主

簿一人正八品下錄事一人從九品下武德初有武器監一人正八品

下掌兵仗廐牧少監一人丞二人主簿一人七年廢軍器監八年復置九年又廢貞觀六年置軍器監開元以前軍器皆出右尚署三年置軍器監有府八人史十二人亭長二人掌固四人

六典軍器監監一人正四品上開元初分少府監至十六年移向北都少

監一人正五品上監掌繕造甲弩之屬辨其名物審其制度以時納于武庫少監為之貳

甲坊署令一人正八品下周禮考工記曰函人為甲犀甲七屬兕甲六屬合甲五屬

凡為甲必先為容然後置革權其上旅與其
下旅而重若一隋少府有甲鎧署皇朝改馬丞一人正

九品下監作二人從九品下

弩坊署令一人正八品下

周禮司弓矢掌四弩凡弩夾庾利攻唐大將軍

戰野戰考工記弓人攻六材必以其時幹也者以為
為達角也者以為疾筋也者以為深膠也者以為
和絲也者以為固漆也者以為受霜露凡取幹之
道有七柘為上櫨次之檠桑次之橘次之木瓜次
之荆次之竹為下隋
有弓弩者皇朝改馬丞一人正九品下監作二人

從九品下令各掌其所修之物督其繕造辨其麤
良丞為之貳凡財物之出納庫藏之儲備必謹而

守之

國朝軍器監掌造軍器及什物之事

元祐官品令軍器監正六品少監從六品

熙寧六年六月置監使專其任以兩制二人領焉總內外軍器之政仍罷三司曹案以西作坊置監十一月遣

著作佐郎朱伯虎等齎積利軍器付逐州軍為式製造

初軍器四庫隸三司在京及諸路造作悉多雜惡又河北久不用兵其弊尤甚初命置監專領其事至是以樣

付諸路仍遣官分往諭之

丞

六典軍器監丞二人正五品掌判監事及材草出入之數工徒衆寡之役皆督課焉

國朝元祐官品令軍器監丞從八品

主簿

沿革見
監門

六典軍器監主簿一人正八品上掌印及勾檢稽失

國朝元祐官品令軍器主簿從八品

都水使者

前漢百官表水衡都尉

應劭曰古山林之官曰衡掌諸池苑故稱水衡張晏曰主都水

及上林苑故曰水衡主諸官故曰都有卒
徒武事故曰尉師古曰衡平也主平稅入武帝元鼎二

年初置掌上林苑有五丞屬官有上林均輸御羞禁圃

輯濯鍾官技巧六廐辨銅九官令丞

如淳曰御羞地名在藍田揚雄謂之

御宿三輔黃圖御羞地名輯音集濯直孝反船官鍾官主鑄錢辨銅主分別銅之種類也師古曰御宿即今長安

城南御宿川也不在藍田羞宿聲相近故或云御羞或云御宿耳羞者珍羞所出宿者止宿之義漢舊儀天子

六廐馬皆萬匹據此表太僕屬官以有大廐未央輅駟騎馬駒除承華而水衡又云大廐技巧官是則技巧之

徒供六廐者其官別屬水衡又衡官水司空都水農倉又甘泉上林

都水七官長丞皆屬馬上林有八丞十二尉均輸四丞
御羞兩丞都水三丞禁園兩尉甘泉上林四丞成帝建
始三年省技巧六廐官王莽改水衡都尉曰予虞初御
羞上林衡官及鑄錢皆屬少府

後漢百官志世祖改都水屬郡國孝武帝初置水衡都
尉秩比二千石職主上林苑有離宮燕休之處世祖省
之并其職於少府每立秋軼劉之日輒暫置水衡都尉
事訖乃罷又省水衡屬官令長丞尉二十餘人

魏略水衡都尉舊主上林苑魏朝主天下水軍舟船器械

晉職官志渡江後哀帝省都水長孝武復置都水使者漢水衡之職也漢又有都水長丞主陂池灌溉保守河渠屬太常漢東京省都水置河隄謁者魏因之及武帝省水衡置都水使者一人以河隄謁者為都水官屬及江左省河隄謁者置謁者六人

宋百官志都水使者一人掌舟船及運部魏世主天下

水軍舟船器械晉武省水衡置都水使者而河隄為都水官屬有參軍二人謁者一人令史減置無常員晉西朝有參軍而無謁者則江左置也懷帝永嘉六年胡入洛陽都水使者爰濬先出督運得免然則武帝置職便掌運矣江左省河隄

隋百官志梁以都水使者為太舟卿是為冬卿置丞及功曹主簿太舟卿梁初置水臺使者一人參軍事二人河隄謁者八人七年改焉位視中書郎列卿之最末者

也主舟航隄渠陳太舟卿

中二千石

後齊都水臺管諸津橋

使者二人參軍十人又領都尉合昌坊城等三局尉皆
分司諸津梁隋都水臺使者及丞各二人參軍三十人
河隄謁者六十人錄事二人領掌船局都水尉二人又
領諸津上津每尉一人丞二人中津每尉丞各一人下
津每典作一人津長四人開皇三年廢都水臺十三年
復置仁壽元年改臺為監更名使者為監十二年都水
監改為使者增為正五品丞為從七品統舟楫河渠二

署舟楫署每津置尉一人五年又改使者為監四品加

置少監為五品後又改監為令

從三品

少監為少令

從四品

唐職官志都水監龍朔二年改都水為司津監咸亨元年復舊垂拱元年改都水監為水衡監

都水監使者二人

正五品上

掌川澤津梁之政令總舟楫河

渠二署之官屬凡虞衡之採捕渠堰陂池之壞決水田斗門之灌溉皆行其政令丞二人主簿二人錄事一人府五人史十人掌固三人

六典都水使者二人正五品上

本周官川衡之職漢太常大司農少府內史主

主爵中尉其屬官各有都水長丞至成帝以都水官多置左右使者各一人則劉向護左都水使者是也至哀帝罷之晉置都水臺都水使者一人掌舟楫之事官品第四又有左右前後中五水衡晉起居注及元康百官表陳慎戴熊俱以都水使者領水衡都尉宋孝武帝省都水臺置水衡令齊氏復置都水臺使者一人梁天監七年改太舟卿為冬卿班第九吏員依晉又加當關四人陳因之後魏亦二官並置建都水使者正第四品中水衡都尉從五品中太和二十二年都水使者從五品而省水衡北齊都水臺使者二人後周有司水中大夫一人隋開皇三年省都水入司農十三年復置仁壽改為都水監煬帝復為使者正五品大業五年又改使者為監加至四品又置少監五品後改監為令從三品少監為少令從四品皇朝改為都水署隸將作令從七品

下貞觀中復為都水使者從五品上龍朔二年改為司
津監咸亨元年復為都水使者光宅元年改水衡都尉
神龍元年復舊

掌同唐職官志

舟楫署令一人正八品下

漢中尉屬官有都船令丞水衡都尉有輯

濯令晉水衡令各有船曹吏齊職儀有船官典軍一人後周有舟上中士一人隋都水使者領掌地局都尉二人煬帝改為舟楫署令一人皇朝因之丞二人正九品下

漢有都船丞輯

濯丞隋煬帝置舟楫署丞二人皇朝因之令長公私舟船及運漕之事丞為

之貳諸州運至京都者則經其往來理其隱失使監漕

監之

河渠署令一人正八品下

秦及兩漢都水衡屬官有河隄謁者則河渠之職也隋煬

帝取史記河渠書之義以名署令一人皇朝因之

丞一人正九品上令掌供川

澤魚醢之事丞為之貳

諸津令一人正九品上

列女傳有趙津吏女自後無聞晉令都津渡二十四所各置監

津吏一人北齊三局尉皆分司諸津橋之事後周有掌津中士一人掌津渡川瀆之制而為之橋梁隋都領諸

津上津每尉一人丞二人中津尉一人丞一人下津尉一人每津典作一人津長四人皇朝改置令丞

一人從九品下

皇朝因隋置諸津在京兆河南界者隸都水監在外者隸當界州

諸津

令各掌其津濟渡舟梁之事丞為之貳

國朝初欲修水官故專置都水監以代三司河渠司事
欲重其任以御史知雜判監事後亦不常其官嘉祐八
年以龍圖閣直學士吏部郎中知審官院韓贄魚判都
水監初置都水監以知雜御史判至是知雜趙抃辭以
不知水事故命贄焉

都水監掌內外河渠修完隄堰疏導水勢及判水運之
事

元祐官品令都水使者正六品

有巧思

晉諸公讚陳魏字太和殿中將軍有巧思遣起

千金堤

上都水使者楊佺期洛陽記云千金堤魏所起起

獻甫知死

儀監長安三年獻甫奏曰臣奉命

納音在金令熒惑犯士諸侯太史之位熒惑火也火能
剋金是將死之兆則天曰朕為卿無憂矣其秋獻甫為

水衛都尉謂曰水能生金令又去

修狹河岸扼東水勢

國朝治平二年賞狹河官吏初嘉祐六年以汴河久不
浚命都水監與江淮兩浙荆湖制置發運使李肅之相
度利害都水監奏汴河自西以上至南京道直流駛不
須浚治自南京水道至汴河口水濶散漫以故多淺欲
乞自南京至都門三百里修狹河岸扼東水勢令深
駛為之可足詔從之而岸木不足又募民出雜稍度以
為僧凡用梢椿竹索三百八十四萬四千為岸二萬一
千四百步自祖宗時固以嘗狹河其後不復狹方輿是

役議者以為罕見聞然以為不利及成人皆便之

丞

沿革見
監門

六典丞二人從七品上

前漢都水衡皆有丞後漢省晉初置都水使者有叅事二人蓋

丞之職也宋因之孝武帝都水臺置水衡令亦無丞梁天監七年置大舟卿始置丞一人班第一陳氏因之後魏有叅事六人北齊有叅事一人并丞之任也隋初置都水臺有丞二人正第八品上大業三年加從七品皇朝為都水置丞從八品下貞觀中改為使者以署為監加丞秩至從七品上

掌判監事凡京

畿諸水禁人因灌溉而有費者及引水不利而穿鑿者其應入內諸水有餘則任諸王公公主百官家節而用

之

國朝嘉祐三年孫琳王叔夏並知監丞公事

熙寧四年宮苑使帶御器械程助為都大提舉黃御河
同簽書外都水監丞公事

元祐官品令都水監從八品

主簿

六典主簿一人從八品下

晉今水衡都尉置主簿一人
左右前後中五水衡皆有主

簿梁天監七年大舟主簿七班之中第三與宗正主簿
同後魏北齊並不置大業中置主簿一人皇朝因之

掌印勾檢稽失凡運及漁捕之有程者會其月日而為
之糾舉

國朝元祐官品令都水監主簿從八品

職官分紀卷二十三